

煥丹綸於空界收拾陰霾湛紫絳於天中開  
 明陽耀庶得曦輪煥景雲蓋停陰秀兀兀而  
 實靡離相將秋歆黍與與而覆異異取次冬  
 藏蒙如監映之私允拜提携之造上願經法  
 流演洞輔宣行曦璘光明風雲截靜動靜披  
 澤山川鬼神以攸寧飛潛承恩鳥獸魚鼈而  
 咸若朝多罔鳳野絕谷駒地湧醴泉乘萬年  
 枝而治定天垂甘露握千秋鏡以功成在在  
 陽回人人春到則上明  
 天專大慈之化下副臣等皈命之誠謹啓以  
 聞。

發願

- 一願大道流行普天懷德
- 二願一切有生咸皆悟道
- 三願九夜幽魂一時解脫
- 四願孤寡無依咸得受生
- 五願天下太平五穀豐熟
- 六願臣忠子孝君仁父慈
- 七願四海通同寬親和釋
- 八願潛胞處叩咸得生成

九願積疾新病旋即痊愈  
 十願孤露衆生豐衣足食和與道合真

存神燒香

香官使者左右龍虎君侍香詣靈官宮今臣  
 建壇之所自然生金液丹碧芝英百靈果具  
 交會在此香火爐前今臣學道得道求仙得  
 仙齋主受福穹昊開晴十方仙童玉女侍衛  
 香煙傳臣向來啓告速達運御  
 太上无極大道至真玉皇上帝御前

出堂頌

謝師

靈寶領教濟度金書卷之二百四十八

靈寶領教濟度金書卷之二百四十九二百五十一

科儀立成品祈晴用  
洞微高士開光啟普具人靈金具授  
 靈寶通玄秘教術南先生林靈真編

祈晴設醮儀

步虛 燒香頌  
 各禮師存念如法  
 宣衛靈呪

五星列照煥明五方 水星却災木德致昌  
 榮感消禍 太白辟兵 鎮星四據 家國利亨  
 名刊玉簡 字錄帝房 乘廳散景 飛騰太空  
 出入幽冥 遊宴十方 五雲浮蓋 招神攝風  
 役使萬靈 上衛仙翁和與道合真

鳴法鼓二十四通

无上三天玄元始三炁太上道君召出臣身  
 中三五功曹左右官使者侍香金童傳言玉  
 女五帝直符直日香官各三十二人出出者  
 嚴裝開啓玄壇天帝神君當召此間土地里  
 域真官正神急上開啓臣今奉為入赤意以

今陞壇設醮願得

玉清道炁靈寶妙光下降流入臣等身中即  
使玄壇清淨內外成真天无氛穢地絕妖塵  
琳琅振響十方肅清萬魔不干真誠上徹令  
臣所啓速達運御

太上无極大道至真玉皇上帝御前

謹稱法位

具位臣某與臨壇官衆等謹同誠上啓

太上無極大道虛无自然元始天尊太上道  
君太上老君昊天玉皇上帝高上神霄玉清  
真王長生大帝高上神霄玉清真王青華大  
帝九天應元雷聲普化天尊九天雷祖大帝  
上清紫微碧玉宮太乙大帝六天洞淵大  
帝六波天上帝君可韓司丈人天尊九天採  
訪使天尊雷霆九司諸天省府東華西靈執  
職真來洞天福地四海四瀆溪澗潭洞主宰  
龍神社稷山川城隍里域三界官屬一切真  
靈臣聞妙道杳冥運虛無而化育至真恍惚  
凝妙有以生成巍巍而網紀難名蕩蕩而權  
衡莫測日月星宿高輝碧落之天草木山川

俯植黃埃之地無象之象自然而然凡形賦  
於範圍均氣凝於陶冶臣等朝悟脆質夕萍

柔資佩微妙之金符強顏出岫戴希夷之玉  
策終志還山尤抱愆罪隨班奏對幸光明而  
濟下敢欣戴以由中令醮官臣目觀而陰心

期晴霽荷玄宵之密應獲丹符以潛通爰潔  
塵居肅陳淪祭伏望朱幢鳳葆赴閭道以逶  
迤翠蹕龍輿御端門之峻極齊臨黃道昭降

玄壇十華之風鶴參陪三界之雲駭冀莫不  
遺懇欵俱會道場臣不勝激切願望之至再  
拜奉迎

聖駕

拜奉迎

聖駕

請聖 初獻

重稱法位

具位臣某與臨壇官衆等謹同誠上啓

三清上聖十極高真圓宮之帝后臣仙真洞府  
之曹僚主執醮筵內外一切真靈臣聞聖化  
淵淪包太空而罔外神功混洞羅元始以開  
光道彌覆載之中聖決陰陽之表軒旋二炁  
周六子而消息盈虛橐籥三才運五靈而裁

成動靜主張化育典領生成凡切切以皈依

必昭昭而契合今醮官臣仰瞻玄蓋俯軫黃  
輿念人為萬物之靈耕食擊飲而性稟五行  
之秀暑葛寒裘乃積雨以重陰莫開晴而見  
日山林昏翳頭風震蕩於迅雷斧谷崩摧惡

浪翻飛於平地纏綿竟月播種無時更逾旬

而淫潦不休必終歲而顆粒無發凶荒既甚  
饑饉荐臻永惟大德之好生深慮小民之失  
所爰遣丹笈肆築玄壇懺罪消災期貫通於

蒼昊上章行道冀昭格於玄宵早蒙應感之  
恩即降允俞之命日光穿漏風雲靜而林麓

形昭巨浪回源波濤平而溪澗聲息堤塘並

築滕岸俱脩稻梁有吐穎之期禾黍多成實  
之候舉家捧腹闔室舒眉敢恭頌藻之羞聊

寓囊葵之敬有嚴有翼以謝以祈具有青詞  
謹當宣奏

謹當宣奏

宣詞

青詞已露玄造孔昭伏冀帝監羅敷曲聽芻  
蕘之奏天威赫奕回聆對菲之陳伶華振響  
以時款符寶森嚴而日監珠尋泛玉龍煙騰

百和之香翠竚流金風炬祭千枝之麗雲笙  
九奏風磬三成爲數萬一之忱庸聽百千之  
悃臣不勝虔切俟命之至

亞獻

重稱法位

具位臣某與臨壇官衆等謹同誠上啓

三清上聖十極高真圓穹之帝后仙真雷霆  
之曹僚主執醮壇內外一切真靈臣聞天監  
下民每察不識不知之地民事上帝惟通無  
聲無臭之天仰觀帝令之嚴俯詢民情之正

囊封朝奏既寂感以雲從朝騎夕馳諒潛昭  
而雷動今齋官某爲民請命祈晴霽之肆開  
荷帝垂情獲雨陰之頓解三生心佩百拜顏  
歡更願始自今朝終繇他日恒陽應節薄霽  
烘晴絕穉穉以養良苗坐看成實去螟蝗而  
滋嘉穀立見凝堅農夫刈穗以登場饒婦拾  
麻而歸室歡生桑梓喜溢蓬茅多黍多稌饒  
粥夷猶於樂歲積舍積廩餼糧鬱勃於豐年  
蒙仰懇祈允臻福祐次願齋官某精神舒暢  
步武掀明八節四時永不干於地瀆五運六

氣常勿觸於天災庭羅蘭桂之芳堂列椿萱  
之盛臣等神凝偃月洞玄室於九還氣運回  
風朝黃庭於七返宴坐則瓊章妙感經行則  
瑤牒傳熙鳳陞冰顏幸宣符於龍尾駕班級  
武期同德於獅頭疾御悉以升神即登真而  
駕景拳奉有禱切切無違上願宇宙廓清乾  
坤寧泰璣璣煥朗風雨均調天曜景星映靈  
光於七政地垂甘露凝和悉於百昌未生同  
願以呈祥麥秀兩岐而薦瑞放牛歸馬極六  
合以兵銷儀鳳獲麟廓八紘而治定三途罷  
對五苦停輪臣不勝虔懇之至

終獻

具位臣某謹重誠上啓

三清上聖十極高真圓穹之帝后仙真雷霆  
之曹僚主執三界內外一切真靈臣聞儀不  
及物獻酬已罄於三周情見乎辭真饗幸殫  
於一念以今參橫斗轉夜無塵月淡河清  
宵輝有耀玉磬飄飄而息韻金鐘騰蕩以收  
音萬乘戒嚴諸天復位歲稔月駟旁旋洞府  
以高征搖曳雲龍俯徹蒼冥而下運里社列

職各返攸司臣等控挽無從瞻懇徒切下情  
不勝感激俟命之至謹稽首再拜奉送

回轉頌

存神燒香

香官使者左右龍虎君侍香諸靈官當令臣  
設醮行道之所自然生金液丹碧芝英百靈  
衆真交會在此香火爐前今臣學道得道求  
仙得仙天日精明萬物成身十方仙童玉女  
侍衛蘭煙傳臣向來所啓速達逕御  
太上元極大道至真玉皇上帝御前

寶華號

焚燎 向來

靈寶領教濟度金書卷之二百四十九